

23.09.2025

आकाशवाणी जयपुर—अजमेर
प्रादेशिक समाचार

1850 बजे

- राष्ट्रपति द्वौपदी मुर्मू न्यारी—न्यारी श्रेणियां मांय राष्ट्रीय फ़िल्म पुरस्कार दीना—अभिनेता अर फ़िल्मकार मोहनलाल ने दादा साहेब फ़ाल्के पुरस्कार ऊँ नवाजी ज्या।
- रेलवे दीवाली अर छठ पूजा पर्व रे दौरान मुसाफिरां रा सुबीतां सारू बारह हज़ार खास रेलगाड़ियाँ चलावेला।
- मुख्यमंत्री भजनलाल शर्मा भीलवाड़ा मांय प्रदेश री पहली फ़्लाइंग स्कूल रो उद्घाटन कीनो।
- राष्ट्रीय आयुर्वेद दिवस रे मौके आज देश—प्रदेश मांय कार्यक्रम राख्यी ज्या।

000

राष्ट्रपति द्वौपदी मुर्मू आज 71वां राष्ट्रीय फ़िल्म पुरस्कार समारोह मांय न्यारी—न्यारी श्रेणियां मांय बेहतरीन काम करण वाळां ने पुरस्कार दीना। साल 2023 सारू फ़िल्मां बणावण, कहानियां सुणावण अर एकिंटंग करण मांय उत्कृष्टता रो मान करण सारू अ पुरस्कार दिया ज्या। नामी अभिनेता, निर्देशक अर निर्माता मोहनलाल ने सिनेमा रा हलका रो सब ऊँ ऊँचो मान, दादा साहेब फ़ाल्के पुरस्कार दे र नवाजी ज्या। सर्वश्रेष्ठ फ़ीचर फ़िल्म रो ईनाम हिंदी फ़िल्म 'ट्रेवेल्थ फ़ेल ने, बेहतरीन एक्टर रो ईनाम शाहरुख खान ने फ़िल्म जवान सारू दियो ज्यो। अभिनेता विक्रांत मैसी ने ई ट्रेवेल्थ फ़ेल फ़िल्म सारू बेहतरीन एक्टर रा ईनाम ऊँ नवाजी ज्यो। सर्वश्रेष्ठ अभिनेत्री रो ईनाम अभिनेत्री रानी मुखर्जी ने फ़िल्म मिसेज चटर्जी वर्सेस नॉर्वे सारू दियो ज्यो।

000

प्रदेश मांय जीएसटी बचत उत्सव रा तैत न्यारा—न्यारा कार्यक्रमां रे मार्फत जनता ने जीएसटी री नुवी रेट रा बारा मांय जाणकारी दी जा रही है। पाली मांय आज वाणिज्य कर विभाग री ओर ऊँ कारोबारियां, वकीलां अर चार्टर्ड अकाउंटेंट्स सागे चर्चा करी ज्यी। सवाईमाधोपुर मांय केन्द्रीय संचार ब्यूरो री ओर ऊँ कुश्तला रा महिला शिक्षक प्रशिक्षण महाविद्यालय मांय रैली, संगोष्ठी अर प्रदर्शनी रे मार्फत जाग जगायी ज्यी। करौली मांय गृह राज्य मंत्री जवाहर सिंह बेढम खबरनवीसां सागे बातचीत करता थकां वस्तु अर सेवा कर—जीएसटी रा फायदा बताया। वे कहयो के इण ऊँ जीएसटी सिस्टम आसान बणेला अर इण मांय साफगोई आवेला।

000

केन्द्रीय गृह मंत्री अमित शाह स्टार्टअप्स ने नुवा भारत री रीढ बताया है। वे आज गुजरात रा गांधीनगर मांय दो दिन रा स्टार्टअप सम्मेलन रा उद्घाटन सत्र मांय बोल रह्या हा। श्री शाह कहयो के लारला 10 साल मांय भारत रा स्टार्टअप तंत्र मांय जबरदस्त बघोतरी व्ही है अर ओ दुनिया रो तीजो मोटो स्टार्टअप तंत्र बण ग्यो है। देश रा नौजवानां माथे जोर देता थकां श्री शाह भरोसो जतायो के देश तीन साल मांय वैश्विक नवाचार सूचकांक मांय अगाड़ी दस देशां मांय शामिल व्हे जावेला।

000

ई सम्मेलन मांय एक हजार ऊँ बत्ता स्टार्टअप, पांच हजार नवप्रवर्तक अर एक सौ उद्योग सलाहकार भाग ले रह्या है।

000

दिवाली अर छठ पूजा रे दौरान मुसाफिरां रा सुबीता सारू 1 अक्टूबर ऊँ 15 नवम्बर बीचे बारह हज़ार खास रेलगाड़ियाँ चलाई जावेला। रेल मंत्री अश्विनी वैष्णव आज नई दिल्ली मांय खबरनवीसां ने आ जाणकारी दीनी।

000

मुख्यमंत्री भजनलाल शर्मा आज भीलवाड़ा री हमीरगढ़ हवाई पट्टी माथे प्रदेश री पहली फलाइंग स्कूल रो उदघाटन कीनो। ई मौके वे कहयो आ फलाइंग स्कूल सर्ल व्हे जावण ऊँ राजस्थान देश रा खुद रे पाण ऊबा व्हेवण रा संकल्प ने पूरो करण मांय योगदान देवेला। श्री शर्मा कहयो के राइजिंग राजस्थान समिट रे दौरान आ फलाइंग स्कूल खोलण रो ऐलाण करी ज्यो हो, जठे पायलट सिखावण ले र देश ने सेवा देवेला।

000

मुख्यमंत्री आज भीलवाड़ा मांय न्यारी—न्यारी ठौड़ां लगायी ज्या सेवा शिविरां रो ई दौरो कीनो अर सरकार री न्यारी—न्यारी योजनावां रो फायदो लेवण वाढां सागे बातचीत कीनी। वे पात्र लोगां ने चैक अर मकान रा पट्टा ई दीना। ई मौके श्री शर्मा कहयो के आं शिविरां मांय जनता ने सगळा ज़रुरी सुबीता एक ही ठौड़ मुहैया कराया जा रहया है।

000

केन्द्रीय संस्कृति अर पर्यटन मंत्री गजेन्द्र सिंह शेखावत कहयो है के आवता पांच साल मांय प्रदेश मांय नागरिक उड्डयन हलका ने और बधावो मिलेला अर जोधपुर मांय सैर—सपाटा री नुवी ठौड़ां विकसित करी जावेला। श्री शेखावत आज जोधपुर हवाई अड्डा माथे बणाया जा रहया नुवा टर्मिनल भवन रा दौरा पाछे खबरनवीसां सागे बातचीत कर रहया हा। वे बतायो के जोधपुर हवाई अड्डा माथे बणाया जा रहया टर्मिनल रो काम आखिरी दौर मांय चाल रहयो है अर इण रे अक्टूबर तांई पूरो व्हे जावण रा आसार है। श्री शेखावत बतायो के नुवा टर्मिनल ऊँ एके सागे 13 उड़ानां व्हे सकेला, जिण ऊँ शहर रो हवाई जहाज रे जरिये सम्पर्क और मज़बूत व्हेला।

000

देशभर मांय आज 10वाँ राष्ट्रीय आयुर्वेद दिवस मणायी ज्यो। राष्ट्रीय स्तर रो जळसो गोवा रा अखिल भारतीय आयुर्वेद संस्थान मांय राख्यी ज्यो। केन्द्रीय आयुष अर स्वास्थ्य राज्यमंत्री प्रतापराव जाधव री मौजूदगी मांय आयुष मंत्रालय अर स्वास्थ्य अर परिवार कल्याण मंत्रालय री ओर ऊँ राख्यी ज्या ई कार्यक्रम मांय जनता अर धरती सारु आयुर्वेद री भूमिका रा बासा मांय जाणकारी दीरीजी। ई मौके कैंसर री बीमारी रा ईलाज सारु एकीकृत औन्कोलॉजी इकाई रो उदघाटन करी ज्यो। प्रदेश मांय ई आयुर्वेद दिवस रे मौके धन्वंतरी पूजा सागे भांत—भांत रा कार्यक्रम राख्यी ज्या। राजधानी जयपुर मांय राष्ट्रीय आयुर्वेद संस्थान री ओर ऊँ जनता रा बेहतर स्वास्थ्य अर जागरूकता सारु जयपुर अर आरे—सारे रा गांवाई हलकां मांय मुफ्त शिविर लगायी ज्या अर आयुर्वेद जागरूकता रैली निकाली ज्यी। एन.आई.ए. रा कुलपति प्रोफेसर संजीव शर्मा जनता ऊँ बेहतर स्वास्थ्य सारु आयुर्वेद काम लेवण री अपील कीनी।

000

राजस्थान पुलिस कांस्टेबल भर्ती परीक्षा 2025 री उत्तरकुंजी माथे आपत्ति दर्ज करावण री आखिरी तारीख बधा र 25 सितम्बर कर दीरीजी है। पैली आ तारीख आज तांई ही। पुलिस भर्ती अर पदोन्नति बोर्ड रा उप महानिरीक्षक मनोज कुमार आ जाणकारी दीनी। ध्यानजोग है के 13 अर 14 सितम्बर ने लीरीजी ई भर्ती परीक्षा रा पेपर री उत्तर कुंजी अपलोड कर दीरीजी है।

000

पशुपालन मंत्री जोराराम कुमावत आज जयपुर कने जोबनेर रा राजस्थान पशु विकित्सा अर पशु विज्ञान विश्वविद्यालय री आधिकारिक वेबसाइट रो उदघाटन कीनो। ई मौके विश्वविद्यालय रा कुलगुरु, प्रोफेसर त्रिभुवन शर्मा समेत विश्वविद्यालय रा शैक्षिक अर गैर—शैक्षिक कार्मचारी मौजूद रहया।

000

आकाशवाणी ઊં હર મહીના પ્રસારિત કર્યો જાવણ વાળો ખાસ કાર્યક્રમ મન કી બાત 28 સિતમ્બર ને પ્રસારિત કર્યો જાવેલા। પ્રધાનમંત્રી નરેન્દ્ર મોદી રા ઈ કાર્યક્રમ રી આ 126વી કઢી વ્હેલા। ઈ સારુ આપ ઈ મુફત નમ્બર 1800–11–7800 માથે 26 સિતમ્બર તાં ઈ રાય દે સકો છો। ઈ રે અલાવા નરેન્દ્ર મોદી એપ અર માય જીઓવી ઓપન ફોરમ રે જરિએ ઈ વિચાર ભેજ્યા જા સકે હૈ।

000

હનુમાનગઢ જિલા રી પીલીબંગા થાના પુલિસ નશા વિરોધી અભિયાન રા તૈત પરાલી રી આડ માંય લુકાઈ જ્યી કરીબ દો કરોડ રૂપ્યા મોલ રી ગૈર— કાનૂની અંગ્રેજી શરાબ બરામદ કીની હૈ। એસ.પી. હરિ શંકર આ જાણકારી દીની। વે બતાયો કે અમૃતસર—જામનગર એક્સપ્રેસ—વે માથે એક ટ્રેલર રી તલાશી રે દૌરાન ભૂસા રા કદ્વાં હેટે લુકાઈ જ્યી 943 પેટિયાં માંય ગ્યારહ હજાર ઊં બત્તી બોતલાં બરામદ કરી જ્યી। આ ગૈર—કાનૂની શરાબ પંજાબ ઊં ગુજરાત લે જાઈ જા રહી હી। પુલિસ મૌકા ઊં બાડુંમેર જિલા રા દો તસ્કરાં ને ગિરફ્તાર કીના હૈ અર વાં ઊં પૂછતાછ કરી જા રહી હૈ।

000